



UDRUŽENJE DRUŠTAVA ZA OSIGURANJE
U FEDERACIJI BOSNE I HERCEGOVINE

Broj: 12-3/22

Sarajevo, 07.03.2022. godine

UDRUŽENJE POSLODAVACA F BiH

n/p Predsjednik

gosp. Adnan Smailbegović

Maršala Tita 6 – 71000 SARAJEVO



PREDMET: Inicijativa za obaveznost kolektivnog osiguranja od nezgode na radu u F BiH kroz dopune Zakona o zaštiti na radu („Sl. novine FBiH“ br. 79/20)

Poštovani gosp. Smailbegović

Udruženje društava za osiguranje u Federaciji BiH pokrenulo je inicijativu za uvođenje obaveznosti kolektivnog osiguranja od nezgode na radu u Federaciji BiH. Predmetna inicijativa, kao što Vam je poznato, prezentirana je na okruglom stolu u organizaciji Udruženja koji je održan 27.10.2021. godine. Slijedom zaključaka sa navedenog okruglog stola i akcionog plana realizacije navedene inicijative, održan je sastanak sa predstavnicima Federalnog ministarstva rada i socijalne politike na kojem je iznesena argumentacija u korist ove inicijative. Na navedenom sastanku upoznali smo pomoćnika ministra za rad, g. Ernisa Imamovića sa razlozima iznošenja ove inicijative a nakon toga je prema Federalnom ministarstvu rada i socijalne politike upućen dopis 12/22 u kojem je detaljno obrazložen prijedlog Udruženja.

U prilogu Vam dostavljamo predmetnu inicijativu sa prijedlogom da pratite i podržite dalje aktivnosti Udruženja na realizaciji pitanja obaveznost kolektivnog osiguranja od nezgode na radu u F BiH kao i da kroz svoje aktivnosti i kontakte sa predstavnicima institucija vlasti F BiH iskazete interes da navedena inicijativa bude razmotrena i prihvaćena u okviru parlamentarne procedure.

Uz nadu da ćete podržati našu inicijativu i uz napomenu da ostajemo otvoreni za svaki vid saradnje i komunikacije po pitanjima od zajedničkog interesa a posebno vezano za tržište osiguranja, primite izraze našeg poštovanja.



Generalni sekretar
udruženja:

mr.sc. Ermin Čengić

PRILOG: Dopis Federalnom ministarstvu rada i socijalne politike broj 12/22 od 22.02.2022. godine

Dostavljeno:

- Agenciji za osiguranje u BiH
- Agenciji za nadzor osiguranja F BiH
- Udruženju poslodavaca F BiH
- Privrednoj komori F BiH
- Američka komora u BiH
- a/a



UDRUŽENJE DRUŠTAVA ZA OSIGURANJE
U FEDERACIJI BOSNE I HERCEGOVINE

VLADA FEDERACIJE BiH

Federalno ministarstvo rada i socijalne politike

N/p Ministar

g. Vesko Drljača

cc Pomoćnik ministra

g. Ernis Imamović

Broj: 12/22

Sarajevo, 22.02.2022. godine

Hamdije Čemerlića br. 2, 71000 Sarajevo

PREDMET: Inicijativa za dopune Zakona o zaštiti na radu („Sl. novine FBiH“ br. 79/20)

Poštovani,

uvažavajući život, zdravlje i očuvanje radne sposobnosti kao vrijednosti od posebnog interesa za BiH, ozbiljne izazove na tržištu rada koji se tiču demografske strukture stanovništva, udjela radno sposobnog i zaposlenog stanovništva u istoj, uticaja tih faktora na ekonomski i socijalni ambijent zemlje, a prije svega nužnost ujednačenih prava radnika u cijeloj zemlji, smatramo neophodnim da se po uzoru na Republiku Srpsku i Brčko distrikt BiH, kao i po uzoru na druge zemlje iz regiona, propiše zakonska obaveza kolektivnog osiguranja radnika od nezgode na radu.

Naime, zakonska obaveza kolektivnog osiguranja radnika u Republici Srpskoj je propisana Zakonom o radu Republike Srpske, u Brčko Distriktu BiH Zakonom o sigurnosti i zaštiti zdravlja radnika na radu, dok je u Crnoj Gori propisana Zakonom o zaštiti i zdravlju na radu, te u Srbiji Zakonom o bezbednosti i zdravlju na radu.

Dakle, u zemljama regiona i u svim drugim dijelovima BiH, osim Federacije BiH, relevantnim legislativama je propisana obaveza poslodavaca da kod osiguravajućih društava kolektivno osiguravaju svoje radnike za slučajeve nesreće na poslu, povrede na radu i profesionalnih oboljenja. Na taj način, radnicima je obezbijeđena odgovarajuća zaštita i sigurnost na radnom mjestu, a za šta su nažalost, uskraćeni radnici kod poslodavaca u Federaciji BiH. Istina, postoji određeni broj poslodavaca u Federaciji BiH (iako uglavnom većih korporativnih sistema sa poslovnim praksama iz razvijenih zemalja) koji su svjesni prednosti kolektivnog osiguranja radnika na radu te koji isto obezbjeđuju svojim radnicima.

U zakonodavstvu Federacije BiH nije u potpunosti izostavljen ovaj segment osiguranja radnika nego je isti značajno limitiran i prepušten na interpretaciju poslodavcima na način da Zakon o zaštiti na radu (član 73.) propisuje da poslodavac posebno osigurava od rizika nesreće i povrede na radu radnike koji obavljaju poslove sa povećanim rizikom, utvrđene internim aktom o zaštiti na radu. Pored toga što navedeno omogućava da se osiguraju od nezgode radnici koji su izloženim najrizičnijim poslovima, nameće se pitanje klasifikacije takvih poslova obzirom da je prepušteno poslodavcima da to urede svojim aktom, ali i pitanje svojevrsne diskriminacije svih ostalih radnika koji takođe mogu profesionalno oboljeti na poslu, povrijediti se na radu i dr.



Stoga, u smislu prethodno naznačenog, podnosimo ovu inicijativu u svrhu dopune Zakona o zaštiti na radu („Sl. novine FBiH“ br. 79/20), na način da se:

- u članu 22. (Obaveze poslodavca) iza tačke r), doda nova tačka s), koja glasi:
„s) kolektivno osigura sve radnike kod osiguravajućih društava od posljedica nezgode na radu“

- u članu 86. (Kaznene odredbe), stav 1. iza tačke 10. doda tačka 11., koja glasi:
„11. kolektivno ne osigura radnike od posljedica nezgode na radu, član 22, tačka s).“

Ocjenjujemo da bi se ovdje predloženim izmjenama ostvarile višestruke koristi za sve segmente društva, i to kako slijedi:

- radnicima u Federaciji BiH bi se omogućila jednaka prava na zaštitu zdravlja i radne sposobnosti kao njihovim kolegama u Republici Srpskoj i Brčko distriktu BiH
- poboljšala bi se sigurnost i zaštita zdravlja radnika te bi im se u slučaju povrede ili obolijevanja omogućila brza naplata finansijskih sredstava od strane osiguravajućih društava neophodnih za liječenje, učinile bi im se dostupnim i usluge u privatnim zdravstvenim ustanovama, a što je naročito značajno u situacijama kada (iz bilo kojeg razloga) javni zdravstveni sistem ne može ponuditi potrebnu zdravstvenu uslugu
- neznatnim izdatkom za kolektivno osiguranje radnika po navedenim osnovama (cca 50 KM godišnje po radniku) poslodavci u Federaciji BiH bi povećali svoju atraktivnost na tržištu rada, značajno unaprijedili zaštitu zdravlja radnika na radu kao i očuvanje njihove radne sposobnosti
- značajan broj poslodavaca koji danas na teret svojih troškova isplaćuju naknade u slučaju obolijevanja radnika bi osiguravanjem radnika prevaliti te troškove na osiguravajuća društva
- i u konačnici, pored činjenice da je poboljšanje sigurnosti i zaštite zdravlja radnika na radu opšti javni interes, uvođenjem predmetnog obaveznog kolektivnog osiguranja radnika bi se smanjio pritisak na zdravstveni i penzioni sistem zemlje te bi se ostvario i pozitivan efekat na respektivne budžete, obzirom da bi neznatni budžetski odlivi po osnovu poreza na dobit poslodavaca usljed troškova premija osiguranja koje bi plaćali bili više nego kompenzirani budžetskim prilivima kako od poslodavaca po osnovu ušteda na troškovima ljekarskih pregleda i plaćanja oboljelim radnicima tako i od osiguravajućih društava usljed povećanja njihovog prometa

Sigurni da dijelite naša nastojanja u cilju poboljšanja sigurnosti i zaštite radnika na radu, kreiranja produktivnijeg poslovnog ambijenta te harmonizacije propisa u BiH, nadamo se da ćete razmotriti ovu inicijativu te nominirati potrebne izmjene Zakona o zaštiti na radu.

S poštovanjem,

Za Upravni odbor UDO F BiH

Predsjednik
Upravnog odbora

Damir Hadžić

Dostavljeno:

- Naslovu
- a/a



UDRUŽENJE DRUŠTAVA ZA
OSIGURANJE U FEDERACIJI
BOSNE I HERCEGOVINE
SARAJEVO